

UMS Oil-GAS pertahan Piala Amal Korporat Yang Dipertua Negeri

GL Oh DE 11.10.2016 8

KOTA KINABALU: Pasukan UMS Oil-GAS berjaya mempertahankan Piala Amal Korporat Yang Dipertua Negeri di padang golf Sutera Harbour pada Ahad.

Dirangsang oleh kehadiran pemain negeri Fazley Chua, satu-satunya pemain yang tersisih dalam barisan pasukan yang menang tahun lalu, dan Casper Loh, pasukan itu mengumpul sejumlah 209 mata berdasarkan tiga skor terbaik daripada pasukan, dengan Fazley mencatat

68 disusuli oleh Casper dengan 70 dan 71 untuk Mohd Noh Adzli dan Datuk Dr Yusop Yaacop 73.

Tempat kedua turut dimenangi oleh satu lagi pasukan UMS OIL-GAS yang terdiri daripada Safaruddin Abidin yang mencatat 69, Nurul Syahirah (70), Khalid Jikal (72) dan Professor Rasalam (85) dengan jumlah mata 211.

Asian Supply Base Sdn Bhd yang memenangi tempat ketiga hanya ketinggalan satu mata di belakang dengan Kiflie Hj

Aisoh mencatat 70, Abdul Razak Harris (71), Hj Irwan Yob (71) dan Ismail Sakilan (72).

Trofi Jemputan Tuan Yang Terutama dimenangi oleh Shaiful Batong (69) disusuli oleh Mejar Jeneral Dato' Zulkapli bin Rahman (71 OCB) dan Datuk Abu Bakar Abad (71).

Hadiah novelti untuk pukulan paling hampir dengan pin dimenangi oleh Shauqi Ahmad dengan jarak 1.32m pada lubang 13, Safarrudin Abidin memenangi pukulan paling jauh dengan 236.5m pada

lubang 3 dan juga *bulleye* pada lubang 11 sementara Tan Sri Datuk Sri Panglima Joseph Pairin Kitingan memenangi pukulan paling hampir dengan garisan pada lubang 11 dengan 1 cm.

Hadiah-hadiah disampaikan pada malam Gala oleh Yang Dipertua Negeri Tun Datuk Seri Panglima Dr. Hj Juhar Hj. Mahiruddin dan turut hadir ialah Toh Puan Datuk Seri Panglima Hajah Norlidah Tan Sri R.M. Jasni dan Menteri Belia dan Sukan Datuk Tawfiq Abu Bakar Titingan.